

Izjava: Visoki predstavnik poduzeo mjere da bi spriječio mjesečni gubitak od 30 miliona KM

Visoki predstavnik je danas donio odluku koja daje puno pravno pojašnjenje u vezi sa prenosom pune odgovornosti za indirektno oporezivanje na Upravu za indirektno oporezivanje. Visoki predstavnik je poduzeo mjere kao odgovor na zahtjev Upravnog odbora Uprave za indirektno oporezivanje. Odlukom se dozvoljava organima vlasti u entitetima i Distriktu Brčko da nastave sa izdavanjem poreskih markica, koje se stavljaju na duhanske proizvode i alkoholna pića, u kratkom prijelaznom vremenskom periodu dok Uprava za indirektno oporezivanje ne bude spremna da sama izdaje ove markice.

Cilj odluke visokog predstavnika je da se spriječi gubitak prihoda. Neprovođenje ove odluke će za posljedicu imati gubitak do 30 miliona KM mjesečno što bi, za uzvrat, moglo rezultirati - naprimjer - kašnjenjem isplata u ključnim entitetskim poslovima, kao što je obrazovanje.

Veliki dio posla je urađen u kratkom vremenskom periodu u procesu reforme indirektnog oporezivanja. Uspostavljena je Uprava za indirektno oporezivanje, otvoren je jedinstveni račun na nivou države a svi zakoni za indirektno oporezivanje su na državnom nivou.

Ali, da bi se ovo nastavilo, visoki predstavnik je rekao da Uprava za indirektno oporezivanje i njen Upravni odbor moraju i dalje biti potpuno usredsređeni na ključni datum, tj. 1. januar 2006. godine kada će se uvesti PDV. Do tada, Uprava za

indirektno oporezivanje mora preuzeti sve administrativne nadležnosti i punu odgovornost za indirektno oporezivanje. Međutim, da bi se osigurala stabilnost dotoka prihoda na jedinstveni račun i izašlo u susret poreskim obveznicima, prijenos odgovornosti se mora izvršiti što je moguće prije, a to znači čim Uprava za indirektno oporezivanje bude spremna da ih preuzme.